

1340.

Ex Arch: Caps: Wladislaviensis

31.

Recognitio solutionis super Bronnislaw et Bieganow 1340.

In nomine Domini Amen. Nos Joannes Resaldowicz Palatinus Cujaviensis, tenore presentium recognoscimus, quadraginta sex marcas argenti usualis, nos à Venerabili Patre Servardo, Dei gratia Ecclesie Wladislaviensis Episcopo recepisse, et plenarie persolutas, quas idem Dominus Episcopus tenebat, solvere Religioso viro fratri Sponcio De Strelno, et conventui suo pro hereditabilibus seu villis Bronnislaw Bieganow et aliis que jure permutationis, et venditionis ad eundem Dominum Episcopum pervenerunt, in cuius rei testimonium nostrum sigillum presentibus duximus apponendum. Datum in Pechatis in vigilia Beati Marci. Anno Domini M. CCC. XL.

